

שנאמר ויאמר יהושע למה עכרתנו יעכרך יהוה היום הזה אתה עכור ואי אתה עכור לעולם הבא ואם אינו יודע להתודות אומרים לו אמר תהא מיתתי כפיה על כל עונותי רבי יהודה אומר אם היה יודע שהוא מזומם אומר תהא מיתתי כפרה על כל עונותי הוץ מעון זה אמרו לו אם כן יהו כל אדם אומר כך כרי:
Si remotus est, scilicet reus, a loco lapidationis circiter decem cubitos, dicunt illi, ut confiteatur; sic enim mos occidendorum erat, ut confiterentur. Unicuique enim, qui confitetur, est pars uel fors in seculo futuro. Sic enim inuenimus de Achane, quod dixerit illi Iosua: fili mi ponas uel tribuas quaeso gloriam Domino Israelis, et da ipsi confessionem. Et respondit Achan Iosuae, inquiens: uerum est, ego peccaui, sic et ita, etc. Et exinde colligimus, quod confessio ipsius illum, i. e. peccata eius expiauerit; quoniam scriptum est: et dixit Iosua illi: cur nos perturbasti? Dominus te perturbabit hoc die; hoc die perturbaberis et non in seculo futuro. Si reus ignoret quomodo sit confitendum aiunt illi: dicas, sit mors mea expiatio omnium iniquitatum mearum. RABBI IEHVDA dicit: si expertus sit, quod quidam contra ipsum falsum exhibuerit testimonium, dicet: sit mors mea expiatio omnium iniquitatum mearum, excepta hac, id est praesenti iniquitate. Dicunt illi, si ita fit, quilibet ad se ipsum purgandum, hunc in modum dicat.

Memorantur in uerbis, quae adscripsimus, **BINAE CONFES-
SIONES.** REVS enim, aut CONFSSIONEM peccatorum suo-
rum edebat, quae ex peruerfa Iudaeorum sententia morte sua expiari cre-
debat, his scilicet uerbis conceptam: תהא מיתתי כפרה על כל עונותי.
fit mors mea expiatio omnium iniquitatum mearum. Quae, cum **STE-
PHANVS** meliora de uenia peccatorum impetranda edoctus, repu-